

Қадриятларини боқий бўлсин, Наврўз!

<http://farhaqiqat.uz/>  **Gazeta 1914-yil 3-apreldan "Sadoi Farg'ona" nomi bilan chiqa boshlagan**  t.me/farhaqiqati

№ 12
(24984)
2025-йил 20-март,
payshanba

Farg'ona haqiqati

Ijtimoiy-siyosiy, ma'naviy-ma'rifiy gazeta

"Атроф-мухитни асраш ва "яшил" иқтисодиёт йили"да халқимиз томонидан кенг нишонланаётган Наврўзи олам шодиёналари янги раҳ ва мазмун касб этмоқда. "Қадриятларинг боқий бўлсин, Наврўз!" деган бош ғоя асосида, умумхалқ сайиллари шаклида нишонланаётган яшариш ва янгилашни байрами юртимизнинг кўп миллатли аҳолисига олам-олам завқ-шавқ бағишламоқда. Дошқозонларда Наврўзнинг шоҳ таоми — сумалак пиширилиб, шодиёна иштирокчиларига тарқатиларди.

ХАЛҚ БАЙРАМИ ХАЛҚОНА САЙИЛЛАРГА АЙЛАНДИ



Ватанимизда инсон қадри ва бахти учун амалга оширилаётган кенг қамровли ислохотлар самараси бугун байрам шукӯҳидан шод одамларнинг юз-кўзи, кайфияти, уларнинг турмуш тарзида яққол акс этмоқда. Вилоят, шаҳар-туманлар марказларидаги бош майдонлар, кўча ва хиёбонлар, кишлоқ ва маҳаллалар миллий услубда байрамона безатилган. Умумхалқ байрамини муносиб нишонлаш мақсадида барча ташкилий, амалий, маданий-маърифий ҳамда тарғибот тадбирлари юксак савияда ўтказилмоқда.

Бу йилги Наврўз байрами муборак Рамазон ойига ҳамоҳанг нишонланаётганида ҳам рамзий маъно мужассам. Кекса авлод вақиллари, меҳнат фахрийлари ҳар томонлама эъзозланмоқда, "Мурувват", "Саховат" уйларида истикомат қилаётган шахслар, ижтимоий ҳимоя дафтарларига қиртилган кўмакка муҳтож инсонларнинг ҳолидан хабар олинган. Улар учун байрам дастурхони ёзилиб, турли хайрия тадбирлари ташкил этилмоқда.

"Яшил макон" умуммиллий лойиҳаси доирасида вилоятимизнинг барча ҳудудларида, кўча ва маҳаллаларида кўчат экиш, боғ-роғлар яратиш, ободонлаштириш ва кўкаламзорлаштириш юмушлари амалга оширилмоқда. Хонадонлар обод ва ораста, аҳолининг эртанги кунга бўлган ишончи қатъий.

Вилоятимизда яшаётган турли миллат ва элатлар вақилларининг миллий урф-одатлари, анъана ва қадриятлари Наврўз сайилларида кенг намойиш этилиб, юртимизга тинчлик-омонлик, бахт-саодат, Ватанимиз ривож учун эзгу тилаклар янграмоқда.

Жойларда хунарамандчилик кўргазмалари, миллий спорт турлари, халқ ўйинлари бўйича мусобақалар, китоб кўргазмалари, арзонлаштирилган кишлоқ ҳўжалик ва озиқ-овқат маҳсулотлари ярмаркалари, кўклам таомлари тайёрлаш танловлари, туманларда "Ўрик гуллаганда" фестиваллари ўтказилмоқда. Худудларга ўрнатилган саҳналарда вилоятимиз санъат усталари, ёш ижрочилари, бадий хаваскорлик жамоалари, миллий дор ўйинлари, миллий-маданий марказлар аъзоларининг қизиқарли қишқилари ташкил этилиб, байрамга ўзгача фойз бағишланмоқда.

"Қадриятларинг боқий бўлсин, Наврўз!" деган бош ғоя асосида Наврўз умумхалқ байрами халқона сайиллар сифатида вилоти-мизда давом этмоқда.

Ўз муҳбиримиз.

Баҳорнинг чи-накам гўзаллиги — ўрик гуллаганда билинади. Боғлар, йўл ёқалари, хона-донлар шунда нурга тўлади, гўё.

Ўрик гуллаганда ёшлар ижодиёт фестивали Фарғона вилоятида бу йил иккинчи марта ўтказиларди. Олтириқ тумани ҳудудидаги юзлаб гектар боғлар қийфос гуллаган. Айниқса, қир-адирлар бағридаги ўрикзорлар кўзи қамаштиради. Фестивалнинг расмий очилишида ташкилотчилар "Ўрик гуллаганда" Фарғонанинг ўзига хос миллий анъанасига айланиб бораётганини таъкидладилар.

Халқ лапарлари, замонавий қўшиқлар ўрикзорнинг анвои саига уйғунлашди.

— **Кўзимдан ой топар**

мардона гуллар,
Гуллайди кўсимда девона гуллар.
Кўнглимга кўчади Фарғона гуллар,
Дилим Фарғонажон, гулим Фарғона.

ФАРҒОНА БОҒЛАРИДА "ЎРИК ГУЛЛАГАНДА" ФЕСТИВАЛИ

Бугун баҳор Фарғонадан бошланганга ўхшайди, — дейди Зулфия номидаги давлат мукофоти соҳиби Дилнавоз Қўлдошева. — Чунки аслида баҳор бир оз кечиккандек эди. Аммо ўрик гулларига тўла бу боғда ҳақиқий баҳор таровати, Наврўз шукӯҳи кезарди.

Халқимизнинг қалбида хурсандчилик, кўзида қувонч.

Ун гектардан зиёд чаман бўлиб гуллаган ўрикзорда миллий ўйинлар, фольклор жамоалари чиқишлари, расом ва хунарамандлар асарлари намойиши, ёш полвонлар ўртасидаги кураш мусобақалари, кишлоқ ҳўжалиги маҳсулотлари ярмаркаси, шеърхонлик каби тадбирлар ташкил этилди. Кекса отахону онахонлар замонагашукрона айтиб, дуо қилдилар.

Вилоятнинг таниқли санъаткорлари бирин-кетин саҳнага чиқдилар.

"Ўрик гуллаганда" фестивалида Фарғона вилоятида ишлаб ўқиётган хорижликлар ҳам иштирок этишди.

— Мен ҳиндистонликман, тиббиёт институтида ўқийман, — дейди Дайманд. — Яқинда миллий байрамимиз Холли Фарғонада ҳам кенг нишонланди. Ўзбеклар бағрикенг халқ экан. Қувончимизга шерик бўлишди. Бугун эса биз уларнинг миллий фестивалида ўз рақсларимиз билан қатнашаримиз.

— Мен биринчи курсда ўқийман. Таълим олиш учун Ўзбекистонни, Фарғонани танлаб тўғри қилган эканман. Менга "Ўрик гуллаганда" фестивали ёқди. Янги дўстлар орттирдим, — дейди Фарғона жамоат саломатлиги тиббиёт институти 1-босқич талабаси, ҳиндистонлик Мухаммад Ҳамид.

Боғ оралаб миллий кийимлар намойиши бошланди.

— Олимми, ижодкорми, шоирми, санъаткорми, хунарамандми, тадбиркорми байрамни биргаликда нишонлаётганимиз халқимизнинг жипслиги, бирдамлиги, бир-бирига елкадош эканидан далolat беради, — дейди Дилнавоз Қўлдошева. — Мухтарам Президентимиз бошчилигидаги ислохотлар ҳаётида исботини топмоқда. Фарғонадан бошланган баҳор бутун республикага, бутун дунёга шукӯҳ улашишига ишонаман. Фарғонага келинг, "Ўрик гуллаганда" фестивалида бирга бўлинг.

Элёр ОЛИМОВ ва Муқимжон ҚОДИРОВ
олган суратлар.

Корея Республикаси учун малакали ишчилар тайёрланмоқда

Ўзбекистонга дунё ҳамжамиятида ишонч тобора мустаҳкамланиб борапти. Бунга Вазирлар Маҳкамаси ҳўзуридаги Ташқи меҳнат миграцияси агентлиги мисолида ҳам кўриш мумкин.



2024 йил 30 август. Агентлик делегацияси Корея Республикасининг Улсан шаҳар мэриясида қабул қилиниб, ўзаро ҳамкорлик юзасидан келишиб олинди. Ўзбекистонда "Улсан шаҳрига малакали кадрлар тайёрлаш маркази"ни ташкил этиш ҳақида шартнома имзоланди.

2025 йил 18 март. Фарғона шаҳрида "Улсан шаҳрига малакали кадрлар тайёрлаш маркази" тантанали равишда очилди. Мақсадлар аниқ, ҳуқуқий асослар мавжуд, вазифа олий мақомда уудланди. Натичада 6 ойда ўйдаги режалар амалда намоен бўлди. Марказ очилиши чоғи сўзга чиққанлар шу жиҳатларни алоҳида таъкидладилар.

Маълумки, Корея Республикаси иқтисоди жуда тез ривожланаётган давлат. Ва табиийки, унга малакали ишчи кучи етишмайди. Эҳтиёжни эса дунёдаги 17 та

синалган давлат фуқароларини жалб қилиш йўли билан қоплайди. Улар орасида Ўзбекистонга ҳеч бериб берилмаган имтиёз қўлланди: Фарғонадаги марказда ўқиган ёшларга Улсан шаҳри мэрияси тўғридан-тўғри ишчи визаси беради. Бундай ҳуқуқий имконият ҳар икки давлат учун ҳам биринчи марта қўлланыпти. Ундан юртимиз ёшлари фойдалана бошладилар.

Чет элларда қурилиш соҳасида ишлаб юрдим. Кейин профессионал ишчи бўлиб Кореяга бориш фикри пайдо бўлди. Шунда "Hundai" компанияси Кореяда ишлашни тақлиф қилганини эшитдим, — дейди марказ тингловчиларидан бири Бобур Арслонов. — Агар 3 ой ўқув курсида ўқисак, бизни Кореяга юқори маошли ишга юборишни айтишди. 2 ой корейс тили чўқурлаштирилган тартибда ўқитилади.

1 ой иш кўникмалари ўргатилади, бу ерда. Бобур Арслонов ва унинг бугун ўқишни бошлаган дўстлари — янги мақомдаги биринчи қалдирғочлар. Режалар эса жуда катта.

Кореяда ишлаш орзусида бўлиб турган ёшлардан 365 нафари танлаб олинди. 105 нафари ўқишни бошлади. Кейинги босқични апрель ойида очамиз. Бу лойиҳани бир-икки йилда кенгайтириш ниятидамиз, — дейди Вазирлар Маҳкамаси ҳўзуридаги Ташқи меҳнат миграцияси агентлиги директори Бехзод Мусаев. — Республикаимизнинг барча ҳудудларидан келадиган ёшларнинг тил ўрганиши, касбага ўргатилиб, Кореянинг нуфузли корхоналарида фаолиятларини амалга оширишлари учун шароит яратилади.

Ўқув марказини ташкил этишда Фарғона вилояти ҳокимлиги катта ёрдам кўрсатди.

Биз ишонамизки, Корея Республикасининг "Hundai" корпорацияси кemasozлик заводида малакали ишчи бўлиб, тажриба орттириб келган ёшлар кейинчалик юртимиз раънақиға муносиб ҳисса қўшадилар, — деди вилоят ҳокими Хайрулло Бозоров.

Ўзбекистон Корея меҳнат бозорида ҳалол, меҳнатсевар ва иқтидорли одамлари билан ишонч қозонган. Шунинг учун ҳам имтиёзли ҳуқуқий мақомдаги марказни мамлакатингизда ташкил этишга қарор қилинди, — дейди Улсан шаҳри мэри Ким Доо Гуми. — Бу лойиҳани давом эттирамиз. Нафақат "Hundai", балки бошқа машҳур компаниялар учун ҳам малакали ишчилар жалб этишда Фарғона марказига устуворлик берилди.

Нозима ТОШМАТОВА,
Марғилон педагогика коллежи
ўқитувчиси.

PS. Ҳа, яна бир ғап. Вашингтондаги намоишлар юртимиздаги илгари “Озодлик”нинг қосибдан яланиб юрганларга ёқмади шекилли, Россиянинг қўли Вашингтонга етиб борди, дея яна ҳақиқати булмағоқчи бўляптилар. Йўқ, жаноблар, кўзингизни очинг, “Озодлик” керак эмаслиги ҳақидаги фикр АҚШ раҳбарига тегишли ва Америка солиқ тўловчилари уни қўллаб-қувватлаётганлар ҳолос.

ҚУВАСОЙДА ТРАКТОР ИШЛАБ ЧИҚАРИЛАДИ

Шу йил Қувасой sanoat zonasida xitoyliklar bilan hamkorlikda traktor ishlab chiqaradigan korxona quriladi. Buning uchun xitoylik investor Юань Яньпин birinchi bosqichda 100 million AQSH dollari ajratadigan buldi. Dastlab 30 million dollarга bino-inshoot, zarur jihozlar keltiliriladi.

Маълумки, Фарғона вилояти боғдорчилик маҳсулотларини етиштириш ва экспорт қилишда мамлакатда биринчи ўринда. Виллоятга эса, жумладан, турли русумдаги боғ тракторлари ҳам керак. Ҳозиргача улар асосан Хитойдан сотиб олинаётган эди. Энди уни Қувасойда ишлаб чиқариш йўлга қўйилади. Дастлабки йилда трактор қисмлари келтирилиб, шу ерда йиғилади. Келгуси йилдан эса айрим қисмлар Фарғонанинг ўзида ишлаб

чиқарила бошланади. Натижа эса шундай бўлади: 250 та янги иш ўрни, қўшимча қиймат солиғига тортилдиган маҳсулот, нархи арзонлаган қишлоқ хўжалиги тракторлари.

Хитойлик инвестор Юань Яньпин хонимни қабул қилган Фарғона вилоят ҳокими Хайрулло Бозоров ўртасида шу масала муҳокама этилди.

Ўз мухбиримиз.



Рамазон сабоғи

Эҳсоннинг ФАЗИЛАТИ

■ Раббимиздан берилган барча нарсалар бизларга омонат бўлганидек, молу давлатимиз ҳам омонатдир. Аллоҳ берган бу молу давлатни Ўзи буюрган ва рози бўладиган жойларга сарфлашимиз даркор. Хайру эҳсон ва садақа қилишда пешқадам, шунингдек, барча эзгу ишларда имкон қадар кўмакчи ва ҳомий бўлишга ҳаракат қилишимиз керак.



Файзулло
АБДУРАХМОНОВ,
Фарғона шаҳар
"Аҳмадхон қори"
масжиди
имом-хатиби

Аллоҳ таоло Қуръони каримнинг жуда кўп оятларида хайр-эҳсоннинг савоби кўпчилиги ва фазилати улканлиги ҳақида марҳамат қилиди. Жумладан, Оли Имрон сурасида шундай деган:

"Суйган нарсаларингиздан эҳсон қилмагунингизгача сира яхшиликка (жаннатга) эриша олмайсизлар. Ниманики эҳсон қилсангиз, албатта, Аллоҳ уни билувчидир" (Оли Имрон сураси).

Бақара сурасида шундай деган: "Мол (бойлик)ларини кеча-ю кундуз, пинҳона-ю ошкора эҳсон қиладиган кишилар учун Парвардигорлари ҳузурда (маҳсус) мукофотлари муҳайидир. Уларга (охиратда) хавф ҳам бўлмас ва улар ташвиш ҳам чекмаслар" (Бақара сураси).

Демак, киши хайр-эҳсонни ихлос билан, савоб умидида қилар экан, ояти каримада ваъда қилинганидек, улкан мукофотларга эришади. Яна бир ояти каримада Аллоҳ таоло бу ҳақда шундай деган:

"Садақаларингизни агар ошкора берсангиз, жуда яхши. Борди-ю, камбағалларга пинҳона берсангиз – ўзингиз учун янада яхшироқдир ва (У) гуноҳларингиздан ўтар. Аллоҳ қилаётган (барча) ишларингиздан хабардордир" (Бақара сураси).

Оятнинг зоҳиридан садақаларнинг барча турларини ошкора ёки пинҳона беришнинг жоизлиги, аммо пинҳона садақанинг афзаллиги маълум бўлади. Лекин баъзи уламолар фарз ёки вожиб садақаларни, яъни закот, ушр, фитр садақаси ва каффоратларни ошкора берган афзал, ихтиёрий нафл садақаларни эса пинҳона берилгани яхшидир, дейдилар. Зеро, вожиб садақалар пинҳона берилса, одамларда закот бермайди, деган шубҳалар туғилиши мумкин. Аммо нафл садақалар ҳам баъзида бошқалар кўриб ўрناк олсин деган ният билан ошкора берилгани яхшидир.

Битта берилган хайр-эҳсон эвазига Аллоҳ таоло бир неча баробар кўпайтириб бериши ҳақида шундай дейди:

"Аллоҳ йўлида молларини эҳсон қилувчилар (савобининг) мисоли гўё бир донга ўхшайдики, у ҳар бир бошгоғида юзтадан дони бўлган етти та бошқонини ундириб чиқаради. Аллоҳ хоҳлаган кишиларга (савобини) янада кўпайтириб беради. Аллоҳ (карами) кенг ва билимдон зотдир" (Бақара сураси).

Аллоҳ таоло бу мисоли билан қилинган биттагина эҳсон эвазига битта эмас, балки етти юз ва ундан ортиқ савоб бериши мумкинлигини билдирмоқда. Эҳсон қилувчи киши бу эҳсон эвазига факатгина охиратда ажр олибгина қолмай, бу дунёда ҳам мукофотларга эга бўлади.

Садақа ва эҳсоннинг барча кўринишлари, хоҳ у нафл бўлсин хоҳ фарз бўлсин, барчаси гуноҳларнинг ўчирилишига сабаб бўлади. Бу ҳақда Расулulloҳ соллаллоҳу алайҳи васаллам шундай деганлар: "...Сув оловни ўчирганидек, садақа гуноҳларни ўчиради" (Имом Термизий ривояти).

Хайр-эҳсон қилиш билан ҳаргиз мол озаимаслиги ҳақида Пайғамбар соллаллоҳу алайҳи васаллам: "Уч нарсаси қасам ичаман: "Банданинг моли садақа ила нуқсонга учрамас. Банда бир зулмга учраса-ю, унга сабр қилса, албатта, Аллоҳ унинг иззатини зиёда қилур. Банда тиланчилик эшигини очса, албатта, Аллоҳ унга фақирлик эшигини очар", дедилар (Имом Аҳмад ва Имом Ибн Можна ривояти).

Хайр-эҳсон қилган қимсани ҳаққига фаришталар дуо қилишлари ҳақида Расулulloҳ соллаллоҳу алайҳи васаллам қуйидагича марҳамат қилганлар: "Ҳар тонг бандалар уйғонганда икки фаришта тушади. Улардан бири: "Аллоҳим, инфоқ (нафақа-эҳсон) қилувчиларга ўрнини қоплайдиган нарсаси ато эт", дейди. Иккинчиси: "Аллоҳим, хасис, зикналарга талафот бер", дейди" (Имом Бухорий ва Имом Муслим ривоят қилган).

Бир кун Ибн Абдуллоҳ ибн Муборак раҳматуллоҳи алайҳидан бир гадоий пул сўраган эди, у зот бир дирҳам эҳсон қилдилар. Шунда у зотнинг баъзи дўстлари: "Бу гадоийлар қовурилган гўшт ва фалузаж (ширинлик) каби таомларни истеъмол қилади. Унга бу пулнинг бир қисmini берсангиз ҳам қифоя қилар эди", деди. Шунда Абдуллоҳ ибн Муборак: "Худо ҳаққи, мен уларни кўкат ва нондан бўлак бирор таом истеъмол қилмайдилар, деб ўйлардим, сиз айтгандек улар фалузаж ва гўшт ейдиган бўлсалар унда уларга бир дирҳам озлик қилади", дедиларда ва ўз хизматкорларидан бирига: "Гадоийни қайтариб келгин-да, унга ўн дирҳам бериб юбор", дея амр қилдилар.

Шундай экан, бировга ёрдамимиз тегишидан хурсанд бўлишимиз ва мана шундай мартабани берган Аллоҳга доимо ҳамд айтиб, бу эзгу ишда пешқадам ва бардавом бўлишимиз керак. Бу ҳақда Расулulloҳ соллаллоҳу алайҳи васаллам шундай деганлар: "Ким бир мўминдан дунё машаққатларидан бирини аритса, Аллоҳ таоло қиёмат кунини унинг машаққатларидан бирини аритади. Ким бир камбағалнинг ишини енгиллатса, Аллоҳ унинг бу дунё-ю охират ишларини енгиллатади. Ким бир мусулмоннинг айбини беркитса, Аллоҳ унинг айбини дунё-ю охиратда беркитади, модомики, киши биродарини ёрдамида экан, Аллоҳ уни ёрдамидадир" (Имом Термизий ривояти).

Ўзбекистон тадбиркорлик, бизнес ва хизмат кўрсатиш соҳалари ходимлари касаба уюшмаси Фарғона шаҳар кенгаши тармоқ Республика Кенгашининг 2025 йил 14 мартдаги 14-13-С" сонли қарорига асосан 2025 йил 17 мартдан бошлаб ўз фаолиятини тўхтатаётганлиги

МАЪЛУМ ҚИЛНАДИ.

Даъволар эълон чиққан кундан бошлаб бир ой мобайнида қабул қилинади.



Адхамжон МИРЗАЕВ,
Ўзбекистон Республикаси
Президенти ҳузуридаги
Ижтимоий ҳимоя миллий
агентлиги Фарғона вилояти
бошқармаси бош мутахассиси

Ижтимоий карта КИМЛАРГА БЕРИЛАДИ?

Ўтган йилнинг 20 февралда ижтимоий ҳимоя соҳасидаги хизматлар қамровини янада кенгайтириш бўйича устувор вазифалар юзасидан бўлиб ўтган видеоселектор йиғилишида 2024 йилнинг 1 октябридан Ўзбекистонда аҳолига кўрсатиладиган барча ижтимоий ёрдамларни ижтимоий карта орқали молиялаштириш жорий этилиши белгиланган. Хўш, ижтимоий карта нима ва у кимларга берилади?



Қайд этиш жоизки, ижтимоий карта тажриба-синов босқичида Тошкент шаҳри ва Тошкент вилоятининг Янгийўл туманида жорий этилди. 2024 йилнинг декабрь ойидан бошлаб янги тайинланган тўққиз турдаги ижтимоий тўловлар олувчи шахсларга тақдим этилмоқда.

Ижтимоий тўловлар олувчи шахсларга ижтимоий карталар бепул берилади ва дастлаб

тўлов воситаси (банк картаси) функциясини бажаради. 2024 йил 1 декабрдан бошлаб кам таъминланган оилаларга болалар нафақаси ва моддий ёрдам, ёшга доир ва ногиронлик нафақаси, ёлғиз кексалар ва ногиронлиги бўлган шахслар учун ҳар ойлик моддий ёрдам, ногиронлиги бўлган 18 ёшгача болаларга ногиронлик нафақалари ва уларни парваришлаган

оналар учун нафақа, протез-ортопедия буюмлари ва реабилитация қилишнинг техник воситалари учун ваучер, боқувчисини йўқотганлик нафақаси ижтимоий карта орқали тўлаб берилмоқда.

2025 йилнинг 1 апрелидан бошлаб ушбу ҳудудлар (Тошкент шаҳри ва Тошкент вилоятининг Янгийўл туманида) бўйича яна қўшимча 2 турдаги ижти-

моий тўловлар – ҳомиладорлик ва туғиш нафақаси, "Саховат ва кўмак", "Аёллар дафтари" ва "Ёшлар дафтари" жамғармалари ҳисобидан тўланадиган бир марталик моддий ёрдамлар ижтимоий карта орқали тўлаб берилади.

Ижтимоий карта камбағал, кўп болали, "Ижтимоий ҳимоя ягона реестри" ахборот тизими орқали кам таъминланган деб эътироф этилган оилалар, ногиронлиги бўлган, ўзгалар парваришига муҳтож ва улар парвариши билан банд бўлган шахслар, ёлғиз яшовчи ва ёлғиз кексаларга, етим ва ота-она қарамоғидан маҳрум бўлган болалар, васийлар (ҳомийлар), тутинган ота-оналар, муомалага лаёқатсиз, муомала лаёқати чекланган шахслар ва уларнинг қонуний вакиллари ва пенсия-нерларга берилади.

Шунингдек, давлат бюджет-ти маблағлари ҳисобидан стипендия тўланаётган талабалар ва ўқувчилар (тингловчилар), шаҳар йўловчи транспортдан (таксидан ташқари) бепул фойдаланиш ҳуқуқига эга бўлган шахсларга тақдим этилади.

Бундан ташқари, ижтимоий карта транспорт картаси ва имтиёзли транспорт картаси функцияларини ҳам бажаради. Яъни, жамоат транспортда имтиёзли ёки бепул фойдаланиш ҳуқуқига

эга бўлган шахслар, белгиланган имтиёзли ёки бепул тарифдан фойдаланган ҳолда, имтиёзга эга бўлмаган шахслар умумбелгиланган транспорт тарифларида транспортдан фойдаланишлари мумкин бўлади.

Қайд этилишича, ушбу функцияни жорий этиш мақсадида тегишли ахборот тизимларини интеграция қилиш бўйича ишлар амалга оширилмоқда. Тажриба синов босқичида ижтимоий карта очиш учун электрон аризалар "Инсон" ижтимоий хизматлар марказлари орқали қабул қилинмоқда.

Кейинчалик фуқаролар Ягона давлат интерактив хизматлари портали, "Ижтимоий карта" мобил иловаси орқали ҳамда ижтимоий карта бўйича белгиланган молиявий агентларнинг бўлиналари (АТ "Халқ банки", АТ "Алоқабанк") орқали мурожаат этишлари мумкин бўлади.

Ижтимоий карта ариза берилган кундан бошлаб 3 иш кунини ичида тақдим этилади.

Ўзгалар парваришига муҳтож айрим шахсларга "Инсон" ижтимоий хизматлари марказлари томонидан 15 кун ичида ижтимоий карталар уларнинг яшаш жойига етказиб берилади.

Ижтимоий карта 2025 йил 1 июлдан бошлаб босқичма-босқич республиканинг барча ҳудудларига жорий этилади.

алоҳида шароит яратилди. Янгидан ташкил этилган "Аёллар саломатлик маркази" ҳар кун эрта тонгдан кеча қадар ишлайди. Бу ерда атрофдаги маҳаллаларнинг катта-ю кичик аёллари жисмоний тарбия билан машғул.

– Биз маҳалла аёллари билан соғлиғимизни тиклаш мақсадида шу ерда спорт билан мунтазам шугулланиб келямиз. Яратилаётган имконият ва шароитлардан жуда ҳам мамнунмиз, – дейди "Мурувват" маҳалла фуқаролар йиғини фаоли Марҳаб Абдурахмонова.

Марказда ёш қизлар учун бир неча гуруҳлар мавжуд. Улар асосан спортнинг гимнастика турига қатнашади. Ҳозирданок умидида ва иқтидорли қизлар сараланиб, қўшимча машғулотлар ўтказиляпти.

Спорт билан шугулланиш касалликларни четлаб ўтиш имконини бераётганидан қишлоқ аёллари хурсанд.

– Мен соғломлаштириш марказига келишимдан олдин жисмоний толиқиш, вазн ортишидан қийналар эдим, – дейди Марҳаб Абдурахмонова. – Жисмоний тарбия ва спортга ошно бўлганим сабабли бир ойда уч килограмм вазн ташладим, толиқишларим йўқолди. Рухиятимда ижобий ўзгаришларни сезаяман.

Бу ерда спортнинг найза улоқтириш, узокқа тош отиш турлари бўйича ҳам гуруҳлар ташкил этилган бўлиб, ногирон аёл ва қизлар паралимпиада мусобақаларига қатнашишни умид қилишган.

Сарвар ОБИД.
Элёр ОЛИМОВ
олган сурат
ва тасвирлар.



Эътиборли томони, бу ерда бағдодлик спортчилар аста-секин ютуқларга эриша бошладилар.

– Маъмузда 2500 нафарга яқин туман-дошларимиз спортнинг 20 тури билан

шугулланишади. 16 таси олимпиада спорт турларига киритилган, – дейди Бағдод тумани ҳокими ўринбосари Қаҳрамон Муртозокулов. – Биргина енгил атлетикани оладиган бўлса, спортчиларимиз республика чемпионатида

фахрли ўринларни эгаллашди. Жумладан, Равшанбек Юсупов найза улоқтириш бўйича фахрли 1-ўринни қўлга киритиб, Ўзбекистон чемпиони деган номга сазовор бўлди.

Спорт марказида аёллар, қизлар учун

Истеъдод юксакликка етаклайди

Қувасой шахридаги 5-умумтаълим мактабининг мусиқа фани ўқитувчиси Комилжон Ҳошимов "Суюн" тўғрагига истеъдодли ўқувчиларни жалб этарди. Ўқувчилар вилоят ва республика миқёсидаги танловларда муваффақиятли қатнашишар эди. Айниқса, 4-синф ўқувчиси Улуғбек Ҳошимов куйлаётган катта ашулалар олқишларга кўмиларди.



Пойтахтда ўтган "Ёш қалдирғочлар" танловидаги ғойиблик Улуғбекнинг ҳаётида катта бурилиш ясади. У "Фарғона" кўшиғини куйлади. Даврада ўқувчиларини мазкур танловга олиб келган Қувасой шахридаги мусиқа мактаби директори Муродилжон Сулаймонов ҳам бор эди. У Фарғонага қайтган, Улуғбек ўқитишнинг мактабидан берди. Кўп ўтмай Улуғбек шу ерда аънавий хонандалик синфига таълим ола бошлади.

Ийилар бесамар кетмади, у танбур чертаётганида томошабинлар бир маромда тебранар, созанда ундан руҳланарди. Улуғбек 9-синфини тамомлаб, Фарғона санъат коллежиди ўқиди. Улуғбек таълим масканида Олимжон Юнусов, Аслибек Худойназаров, Тоҳиржон Қаҳҳоров, Ҳаҳрамонжон Умаров, Иброҳимжон Юлдашев каби устозлардан, кейинчалик Тошкент маданият ва санъат институтида ўқитган кезлари Ўзбекистон халқ ҳофизлари Оролмирозо Сафаров, Уктам Расулов, Ўзбекистонда хизмат кўрсатган артист Аҳмаджон Дадаев сабогини олди, танбур чолғу созида моҳир ижрочи бўлиб етишди. Унинг ижросидаги "Турғун тановар", "Билақузук", "Эй сабо", "Бозургони" каби куйлар санъатсаварлар эътирофига сазовор бўлди. Бир неча бор "Ёш ижрочилар", "Созлар наво-си", "Ёш макомчи" республика кўрик-танловлари, шунингдек, Озарбайжон, Қозоғистон, Корея Республикаси, Туркияда ўтган санъат фестивалларида ғойиблар сафидан ўрин эгаллади.

Улуғбек Ҳошимов ҳозирда Фарғонада, ихтисослаштирилган санъат мактабининг аънавий ижрочилик бўлимида фаолият юритмоқда. Ёш

ларга сабоқ бериш билан бирга, ўз маҳоратини янада бойитиб келмоқда.

— Мусиқа инсон маънавий оламнинг таржimoni, у инсон туйғусига таъсир этиш билан кишини маънавий жиҳатдан тарбиялайди. Асрлар оша бизгача етиб келган миллий чолғуларимиз ва мусикамизнинг ажойиб намуналари бугунги кунда ҳам ўзининг ранг-баранг жилоси, оҳанрабо куйлари билан инсонга олам-олам завқ-шавқ ва ҳузур бахш этади. Ўзбек мусиқа ижрочилиги, бошқа шарқ халқлари мусикалари каби ўзига хос сайқалларга бой, дардли ва тароватли оҳанглари тараннум этишга асосланган. Чолғу созини ижрочи кўлида ушлашдан токи мукаммал овозлар талқинигача бўлган жараёнлар миллий аънавийлик касб этувчи хусусиятларга эга. Ўқувчилар буни тўла тушуниб етишлари ва тоабд ёдда тутишлари зарур деб ҳисоблайман, — дейди у.

2024 йилнинг 8 август куни Қозоғистон Республикасининг Астана шаҳрида Марказий Осиё давлатлари раҳбарларининг Маслаҳат учрашуви доирасида минтақа санъат усталарининг "Дўстлик кечаси" концерти бўлиб ўтди. Қўлида танбур билан сахнага кўтарилган Улуғбек Ҳошимов Турғун Алиматов мусикаси билан "Дил ноласи" куйини маромига етказиб чалганида олқишлар янгради. Бу миллий санъатимизга берилган юксак баҳо эди.

— Бир неча давлатлар Президентлари қаршида саз чалиш катта масъулият эди, бироқ буни уддалай олганимдан хурсандман, — дейди Улуғбек. Орулар янги марраларга йўл очади. Мусиқага илҳосманд ёшларга устозлик қилаётган Улуғбек Ҳошимов келгусида миллий куйларни ижро этибгина қолмай, янги асарлар яратиш ва мусиқий хазинамизни янада бойитишни ният қилган.

Маҳиёра БОЙБОБОВА.



Фарғона вилояти ИИБ ЖХХ ЖТСБ Кинология бўлимида томонидан жисмоний ва юридик шахсларнинг муҳофизатига асосан, уларга тегишли итларни умумий бўйсунувчанлик ҳамда ҳимоя-қоровул кўникмалари бўйича тайёрлаш юзасидан пуллик хизмат кўрсатиш йўлга қўйилди.

Пуллик хизмат кўрсатиш даври ветеринария хизмати ҳамда озиқлантиришни ҳам ўз ичига олади.

Агарда ўзингизни қизқитириган саволларингиз бўлса, қуйидаги манзил ёки телефон рақамларига муҳофизат қилишингиз мумкин.

Манзил: Фарғона шаҳар, "Қирғили" МФЙ, Меъмор кўчаси, 3/5-уй. Телефонлар: 77 009-94-45, 77 707-60-80.

Хизматлар лицензияланган.

"Девону луғати-т-турк":

ТУРКИЙ ХАЛҚЛАР МАДАНИЯТИНИ БОҒЛОВЧИ МАНБА

ХI асрда яшаб ўтган Маҳмуд Кошгарий мавжуд ҳолатни те-ран англаган ҳолда, мулоқотга киришиш имкониятини тақдим этувчи асарга эҳтиёж борлиги ҳақида ҳулоса қилди ва натижада тахминан 1068-1074 йиллар оралигида "Девону луғати-т-турк" асари дунёга келди.

Асар муаллифининг тўлиқ исми Маҳмуд ибн Ҳусайн ибн Муҳаммад Кошгарий бўлиб, қомусий олим, фикҳ ва ҳадис илмининг билимдонидир. Кошгарда туғилган (санаси номаълум), қорахонийлар давлатининг пойтахти Боласоғунда яшаган. Туркий халқларнинг XI асрдаги йирик тилшуносидир. У ўз даврида маданий марказ бўлган Кошгарда дастлабки билимларини олган. Кейинчалик Самарқанд, Бухоро, Нишопур ва Марв шаҳарларида ўқган. Олим араб халифалигининг маданий марказларидан бири бўлган Бағдодда араб тилшунослиги, адабиёти, тарих ҳамда табиий фанлар бўйича таҳсил кўрган. Бу ерда Кошгарий машҳур араб тилшуноси Сибавайхнинг тилга доир асарларини мукаммал ўрганган.

Манбаларда Кошгарий туркий тилларга бағишланган иккита йирик асар ёзганлиги қайд этилган. Мазкур асарлардан бири "Жавоҳирун наҳви фи луғатит турк" ("Туркий тиллар синтаксиси жавоҳирлари") номи билан, иккинчиси эса "Девону луғати-т-турк" ("Туркий тиллар сўзлари луғати") деб аталган. Бироқ бу асарларнинг фақат иккинчиси бизгача етиб келган. Биринчи асар ҳозиргача топилгани йўқ. Бироқ мазкур асарнинг мавжуд бўлганлиги шубҳасиздир. Бу ҳақда олимнинг ўзи шундай дейди: "... девонда ("Девону луғати-т-турк" асари назарда тутилмоқда) бирлик, кўplik, ошириш, чоғиштириш, кичирйтиш, келиш-килар масаласи ва бошқалар ҳам зикр қилинмади. Чунки биз буларни "Жавоҳирун наҳви фи луғати-т-турк" исмли асаримизда бердик. Наҳвага оид (синтаксисга оид) қоидалар у асрдан қаралиши керак".

"Девону луғати-т-турк" асари яратишда ҳақида Маҳмуд Кошгарий шундай эҳди:

"Худо давлат қуёшини турклар бурчида яратди, фалканнинг ҳам шулар мўлкасига мослаб айланганди. Уларни турк деб атади, мўлкага эга қилди, уларни замонамизнинг хоқонлари эtib кўтарди. Замон ахлининг ихтиёр жиловини шулар қўлига топширди,

халққа бош қилди, буларни тўғри йўлга юришга қодир қилди. Буларга яқин бўлиш учун энг асосий йўл – уларнинг тилларида сўзлашишдир. Чунки улар бу тилда гаплашувчиларга яхши қўлоқ соладилар, уларга ўзларини яқин тутадилар, зарар бермайдилар. Мен турклар, туркманлар, ўғузлар, чигиллар, яғмолар, қирғизларнинг шаҳарларини, қишлоқ ва яйловларини кўп йиллар кезиб чиқдим, луғатларини тўпладим".

Асарнинг ёзилишига сабаб қилиб қуйидаги икки асосни кўрсатишимиз мумкин.

Биринчидан, асар дунё тамаддунига бемисл ҳисса қўшган буюк алломалар тилини ўргатади. Тарихдан маълумки, VII асрдан бошлаб узок минтақаларга ёйила бошлаган ислом дини қисқа фурсат ичида етук уламоларни тарбиялаб чиқарди. Бизнинг диёрлардан Имом Бухорий, Имом Термизий, Имом Доримийлар ҳадис илмининг "олтин асри"да яшадилар.

Манбаларда келтирилишича, ушбу даврда биргина Кеш (Шаҳрисабз)нинг ўзига 60 дан зиёд муҳаддислар фаолият кўрсатган. Шу ва кейинги даврларда Мовароуннаҳр диёри уламоларни етиштириб берадиган улғуф маскан сифатида дунёга донг таратди.

"Ўрта Осиё алломалари қомуси" китобида 2700 нафардан зиёд олиму уламолар ҳақидаги қисқача маълумотлар жой олган. Улар VIII-XIX асрларда яшаб, ижод қилган аждодларимиз бўлиб, бундан Мовароуннаҳр замининда илму фан тараққиёти, маърифат зиёси ҳамиша мунаввар бўлиб келгани ҳақидаги мантқий ҳулоса келиб чиқади.

Мисол тариқасида Ҳаким Термизий, Абу Лайс Самарқандий, Имом Мотуридий, Қафқол Шошӣ, Насафийлар, Бурхониддин Марғиноний сингари ислом уламолари, Ибн Сино, Исо Хоразмӣ, Беруний, Форобий каби қомусий олимлардан жуда кўпларининг номини зикр қилишимиз мумкин. Наҳмиддин Умар Насафийнинг "Самарқандия" асарида биргина Самарқандда яшаб ўтган 1010 нафар уламонинг таржimai ҳоли келтирилган.

"Ўрта аср шарқ алломалари энциклопедияси"да Мовароуннаҳрда яшаб ижод қилган 650 нафар мутафаккир ҳақида маълумотлар келтирилган. Бу эса ушбу даврда туркий халқларнинг дунё тамаддуни ривожига қучли таъсир этгани ва бошқа миллатларнинг улар билан

қучли ижтимоий-сиёсий алоқалар ўрнатишга эҳтиёжли экани тушунилади.

Иккинчидан, Мовароуннаҳр ва Хуросон ҳудудида ҳукмронлик туркий халқлар қўлига ўтди. VIII аср охири – IX аср бошида халифаликдаги огир сиёсий вазият аббосийларнинг Мовароуннаҳр ва Хуросонда олиб бораётган сиёсатини ўзгартиришига мажбур этди. Бирин-кетин Ўрта Осиёда тоҳирийлар, сафорийлар, сомонийлар давлатлари ташкил топди.

XI аср бошларида эса сомонийлар давлати ҳудудларида икки давлат: қорахонийлар ва ғазнавийлар давлатлари пайдо бўлди. Мазкур асарнинг иккинчи ярмида қорахонийлар давлатининг маъмурият чегараси анча кенгайди, унинг сиёсий, иқтисодий ва маданий даражаси кўп жиҳатларда мустаҳкамланган эди. Туркий халқларнинг ҳокимият тепасига келиши, ўз навбатида, туркий тил мавқеининг ошишига олиб келди. Арабларнинг туркий халқлар билан тиллашиши учун янги воситалар керак эди.

Тили кишилар ўртасида алоқа воситаси, жамият ҳаётини акс эттирувчи кўзгу сифатида тушунган Маҳмуд Кошгарий ўзининг машҳур девонидида айнан бир даврга оид бўлган тур-тилад туркий тиллар ҳодисаларини, фактларини синхрон – қиёсий усул асосида солиштиради, таққослайди. Чунки ўша даврда айнан мана шу усул араб тилшунослигида жуда кенг тарқалган бўлиб, бу араб тилининг кўп шеваги тил эканлиги хусусиятидан келиб чиқади.

Маҳмуд Кошгарий синхрон – қиёсий метод билан қуролланган ҳолда туркий қабилаларни кезиб, асосий диққат-эътиборини уларнинг тилларидаги умумий ва фарқли хусусиятларга қаратади. Шунингдек, у туркий қабилаларнинг жойлашиш ўрни ҳақида ҳам қимматли, асосли жуғрофий маълумотлар берадики, бу девондаги фактларнинг, фикрларнинг, қарашларнинг объективлигини таъминлайди.

Айтилганлар асарнинг жуда катта меҳнат эвазига яратилганлигидан хабар беради. Тилшуносликнинг барча сатҳлари бўйича қиёсий тадқиқот ишларини олиб борган Маҳмуд Кошгарийнинг девони муқаддими ва луғат қисмларидан ташкил топади. Кириш қисмида асарнинг тузилиши, шунингдек, Шимолий Хитойдан тортиб, бутун Мовароуннаҳр, Хоразм, Фарғона, Бухорогача тарқалган катта ҳудуддаги уруғлар, қабилалар ва уларнинг тиллари, уларнинг фонетик ва грамматик хусусиятлари ҳақида маълумотлар берилди.

Девоннинг асосий луғат қисмида эса 7,5 мингга яқин туркий сўз

Тарихдан маълумки, ислом дини Марказий Осиё минтақа аҳолиси, хусусан, туркий халқлар қисқа муддат ичида янги дин-пухта ўзлаштирдилар. Зеҳнлардаги қобилият ислом қуёши билан мунавар бўлган, туркий халқлар орасидан етук қомусий уламолар етишиб чиқа бошлади. Минтақада ижтимоий-маданий ҳаёт сий ҳаёт фаоллашди. Туркийлар ҳокимият тепасига келди. Бу эса бошқа халқларнинг туркийлар билан яқин муносабатга киришларига интилишга олиб келди. Бундан минтақа аҳолиси тилини ўрганиш имкониятини берадиган воситаларга бўлган эҳтиёж келиб чиқар эди.

МУАССИС: "Farg'ona haqiqati" va "Ferganskaya pravda" gazetaları tahririyatı	2021 йил 18 августда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги Фарғона вилояти ҳудудий бошқармасида 12-001 рақами билан рўйхатдан ўтган. Индекс: 7521.	Газета "Zakat nashriyot uy" МЧЖ босмахонасида тахририятнинг оригинал макети асосида офсет усулида А-2 формат (4 саҳифа)да чоп этилди. Босмахона манзили: Наманган вилояти, Косонсой шаҳар, Чорбоғ кўчаси, 17. Бюджет: 11296.	Бизнинг манзил: 150114, Фарғона шаҳар, Соҳибқирон Темур кўчаси, 28-уй.
Бош муҳаррир: Рустам ОРИПОВ	Газета жума куни чиқади. Адади: 2691 нуска.	Баҳоси келишилган нархда.	Бош муҳаррир қабулхонаси: (факс) 73 226-02-70. Реклама ва эълонлар: 73 226-71-24.
		Навбатчи муҳаррир: Маҳиёра Бойбобоева.	Саҳифаловчи: Алишер Розиков. Босишга топшириш вақти: 16.00. Топширилди: 16.00.